



Broj: 05.08-04-39560-56/25
Sarajevo, 27.08.2025. godine

SKUPŠTINA KANTONA SARAJEVO
n/r Predsjedavajući Skupštine Kantona Sarajevo

PREDMET: Zastupničko pitanje, odgovor, - dostavlja se -
VEZA: Vaš akt broj: 01-04-39560-03/25 od 15.07.2025. godine

Vašim aktom broj i datum navedenim u Vezi, dostavili ste Zastupničko pitanje koje je na 24. radnoj sjednici Skupštine Kantona Sarajevo uputio zastupnik Faruk Selmanović. Naime, zastupnik Faruk Selmanović je u skladu sa članom 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka i 47/24), uputio zastupničko pitanje, koje glasi:

*„Koji su ključni uslovi koje je Kanton Sarajevo i KJKP VIK trebao ispuniti prije aktiviranja treće tranše EBRD kredita, te da li su isti ispunjeni i kada?
Molimo da dostavite tačne datume kada je Upravni odbor projekta vodovod Sarajevo razmotrio i/ili odobrio povlačenje treće tranše EBRD kredita kao izvještaj pui tima.
S tim u vezi, molimo da dostavite pismeni odgovor sa svim relevantnim informacijama, pratećom dokumentacijom i hronologijom prijema dokumenatata.”*

U skladu sa nadležnostima, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo daje sljedeći

ODGOVOR

Ključni uslovi za aktiviranje Tranše 3 su definisani u Ugovoru o zajmu između Bosne i Hercegovine i Europske banke za obnovu i Razvoj (u daljem tekstu Banka) od 11.05.2017. godine i to: Banka je dobila potpisnu kopiju odluke kantona o inicijalnom usklađivanju tarifa u skladu sa odredbama ugovora o javnim uslugama;

- Banka je dobila od projektne kompanije početni izvještaj, koji je po formi i sadržaju prihvatljiv za Banku, o implementaciji programa poboljšanja operativnih i finansijskih rezultata;
- Kanton je odobrio GCAP za implementaciju projekta;
- Završena je detaljna okolišna i socijalna analiza i procjena (due diligence) u vezi sa stavkama koje se finansiraju iz Tranše 3., na način koji je zadovoljavajući za Banku;

- Akcioni plan za zaštitu i socijalna pitanja se provodi i poštuje na zadovoljavajući način u vezi sa stavkama koje se finansiraju iz Tranše 1 i Tranše 2;
- Banka nema primjedbi na tendersku dokumentaciju (Plan nabavki) za komponente projekta koje se finansiraju iz Tranše 3.

Dana 16.06.2025. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo) je zaprimilo e-mail od predstavnika Banke, „Status procedure za stavljanje na raspolaganje Tranše 3 za Projekat Vodovod Sarajevo“. Cijeneći do tada provedene aktivnosti (u nastavku date hronološki poredane) te obraćanja Banke, Ministarstvo je dana 18.06.2025.godine organizovalo sastanak sa predstavnikom Banke na kojem su prisustvovali i predstavnici Ministarstva finansija Kantona Sarajevo i KJKP VIK. Na istom svi dionici sastanka su upoznati od strane predstavnika Banke, kako slijedi:

- da su svi uslovi za stavljanje Tranše 3 na raspolaganje ispunjeni izuzev (i) usklađivanja tarifa i (ii) usvajanja i implementacije PSC-a (Ugovor o pružanju javnih vodnih usluga) i FOPIP-a (Program poboljšanja finansijskog i operativnog poslovanja),
- da je Banka pokrenula internu proceduru odustajanja od ta dva uslova i da će podržati stavljanje Tranše 3 na raspolaganje,
- da je Banka zaprimila zahtjev za stavljanje na raspolaganje Tranše 3 od Ministarstva finansija i trezora BiH kao zajmoprimca (napomena: Ministarstva ne raspolaže navedenim zahtjevom)
- da je važno da se Tranša 3 stavi na raspolaganje do kraja mjeseca juna, kako se ne bi otkazali grantovi, odnosno EU WBIF (Investicijski okvir za Zapadni Balkan) grant u iznosu od 2.5 mil EUR i već odobreni EU IPA grant 4.0 mil EUR koji se vežu za Tranšu 3,
- da će se dva naprijed navedena granta i Tranša 3, u iznosu od 11.5 mil EUR implementirati u naredne dvije do tri godine.

Uzimajući u obzir naprijed navedeno, Ministarstvo je na istom iskazalo da ostaje posvećeno učešću u ispunjavanju preostalih obaveza i nastavku projekta u okviru svojih nadležnosti, cijeneći da je Banka zaprimila zahtjev za stavljanje Tranše III na raspolaganje od zajmoprimca, odnosno Ministarstva finansija i trezora Bosne i Hercegovine. Takođe, nakon sastanka Ministarstvo je o istom i zvaničnim putem uputilo odgovor Banci aktom broj: 05.08-11-49858-15/24 od 19.06.2024. godine.

Kabinetu ministra je e-mailom dostavljen Zapisnik sa 2. redovne sjednice Upravnog odbora Projekta „Vodovod Sarajevo“, održane 09.07.2025.godine, na kojem se razmotrila informacija o statusu realizacije projekta „Vodovod Sarajevo“ i provedene aktivnosti za pokretanje Tranše III s prijedlogom za dalje postupanje.

U nastavku su relevantne i hronološki poredane informacije s popratnom dokumentacijom kako slijedi:

Dana 05.11.2024.godine KJKP „Vodovod i kanalizacija“ d.o.o. Sarajevo (u daljem tekstu KJKP VIK) je svojim aktom broj: 9324-2/24 između ostalih i ovom Ministarstvu dostavio zahtjev za pokretanje procedure za stavljanje na raspolaganje Tranše 3 za Projekat „Vodovod Sarajevo“.

Na navedni akt Ministarstvo finansija Kantona Sarajevo se očitovalo aktom broj: 08-04-11-49858/24 od 11.11.2024.godine, a kojim su obavjestili KJKP VIK da je potrebno dopuniti zahtjev u skladu sa odlomkom 5.03 Uvjeti koji prethode stavljanju na raspolaganje Tranše 3 potpisanog Ugovora o zajmu između Bosne i Hercegovine i Europske banke za obnovu i razvoj (u daljem tekstu: Banka) od 11.05.2017. godine.

U skladu sa obavezama propisanim Odlukom o formiranju Upravnog odbora „Projekta Vodovod Sarajevo“, broj: 02-05-26510-14/17 od 30.08.2017.godine, odnosno da vrši nadzor nad radom Jedinice za implementacije projekta i prati ukupnu implementaciju Projekata „Vodovod Sarajevo“, Ministarstvo je svojim aktima broj: 05/02-04-23567-9/24 od 28.11.2024. godine i 05/08-11-49858-2/24 od 11.12.2025.godine, naprijed navedene akte i popratnu dokumentaciju, prosljedilo na razmatranje Upravnom odboru Projekta „Vodovod Sarajevo“. Cijeneći protok vremena, kao i



neraspolaganje mišljenja Upravnog odbora o navedenom, u cilju daljeg postupanja Ministarstvo je svojim aktom broj: 05/08-11-49858-3/24 od 30.12.2024.godine dostavilo Zahtjev KJKP VIK Ministarstvu finansija Kantona Sarajevo na dalje razmatranje i eventualno postupanje, a aktom broj: 05/08-11-49858/24 od 09.01.2025.godine dalo uputu za postupanje KJKP VIK.

Dodatno, aktom broj: 05/08-11-49858-5/24 od 09.01.2024.godine Ministarstvo je Upravnom odboru dostavilo i Izvještaj Jedinice za implementaciju projekta.

U cilju daljeg postupanja u okviru svojih nadležnosti, Ministarstvo se aktom broj: 05.08-11-49858-7/24 od 07.02.2025.godine obratilo Ministarstvu finansija Kantona Sarajevo, za informaciju o uslovima i procedurama koje su prethodile otvaranju prethodne dvije tranše.

U međuvremenu, aktom broj: 1672/2025 od 06.03.2025.godine KJKP VIK se obratio Banci sa zahtjevom za pokretanje procedure za stavljanje na raspolaganje Tranše 3 za Projekat „Vodovod Sarajevo“, a koji je dostavljen i nadležnim ministarstvima.

Slijedom navedenog, kako nije zaprimljen odgovor Ministarstva finansija Kantona Sarajevo, a u cilju daljeg postupanja, ovo Ministarstvo se ponovo obratilo Ministarstvu finansija Kantona Sarajevo aktom broj: 05.08-11-49858-11/24 od 29.05.2025.godine.

Dana 05.06.2025. godine Ministarstvo finansija Kantona Sarajevo je dostavilo odgovor na naprijed navedeno aktom broj: 08-04-11-49858/25, a koji je ovo Ministarstvo svojim aktom broj: 05.08-11-49858-13/25 od 12.06.2025. godine -Informacija o aktivnostima u vezi sa stavljanjem na raspolaganje Tranše 3 za Projekat „Vodovod Sarajevo“- prosljedilo KJKP VIK.

Dalje, kako je detaljno dato u uvodnom dijelu odgovora, dana 16.06.2025. godine Ministarstvo je zaprimilo e-mail od predstavnika Banke, nakon čega je 18.06.2025. godine organizovan sastanak sa svim relevantnim dionicima, te 19.06.2025. godine i zvaničnim putem upućen odgovor Banci aktom broj: 05.08-11-49858-15/24 koji je dostavljen na znanje Ministarstvu finansija Kantona Sarajevo.

Istog dana na Protokol Kantona Sarajevo zaprimljeni su akti KJKP VIK-a, akt broj: 4672/2025 od 18.06.2025. godine i korigovani akt broj: 4672-1/2025 od 18.06.2025. godine sa prilogom e-mail Banke od 16.06.2025. godine, kojim se od ovog Ministarstva traži da prosljedi zahtjev za pokretanje procedure za stavljanje na raspolaganje Tranše 3 za Projekat „Vodovod Sarajevo“ Ministarstvu finansija Kantona Sarajevo. Cijeneći sve provedene aktivnosti viših nivoa vlasti, te naprijed zaprimljene zahtjeve KJKP VIK-a, Ministarstvo je iste prosljedilo Ministarstvu finansija Kantona Sarajevo svojim aktom broj: 05.08-21-35358-2/25 od 24.06.2025.godine.

Također, Ministarstvo je 26.06.2025.godine zaprimilo akt Ministarstva finansija Kantona Sarajevo, broj: 08-04-11-49858-13/25 od 17.06.2025.godine, po kojem ovo Ministarstvo nije postupalo jer su aktivnosti iz naše nadležnosti već izvršene, a u istim je Ministarstvo finansija Kantona Sarajevo učestvovalo.

Dodatno, KJKP VIK je svojim aktom broj: 4921/2025 od 26.06.2025.godine dostavilo Informaciju o aktivnostima za stavljanje na raspolaganje Tranše 3 za Projekat „Vodovod Sarajevo“ i Odluku Nadzornog odbora o davanju saglasnosti na Plan nabavi za Tranšu 3 koja se finansira iz sredstava EBRD kredita. Predmetni akt i Odluku ovo Ministarstvo je svojim aktom broj: 05.08-11-49858-19/24 od 03.06.2025.godine prosljedilo Ministarstvu finansija Kantona Sarajevo.

U svrhu pripreme materijala za sjednicu Upravnog odbora ovo Ministarstvo se aktom broj: 05.08-21-22416/25 od 05.06.2025.godine obratilo KJKP VIK sa zahtjevom za dostavu informacija, na koji se KJKP VIK očitovao aktom broj: 4560/25 od 13.06.2025.godine.

Nakon provedenih aktivnosti, te cijeneći obaveze koje proizilaze iz Odluke o formiranju Upravnog odbora, Ministarstvo je aktima broj: 05.08-21-22416-1/25 od 20.06.2025. godine i 05.08-21-22416-2/25 od 03.07.2025.godine uputilo zahtjev za sazivanje sjednice Upravnog odbora Projekta „Vodovod Sarajevo“ sa kompletnom korespodencijom u vezi stavljanja na raspolaganje Tranše 3, kao i svim do sad provedenim aktivnostima, o čemu je dostavljen Zapisnik sa 2. redovne sjednice Upravnog odbora Projekta „Vodovod Sarajevo“ održane 09.07.2025.godine.



U prilogu dostavljamo i akt KJKP ViK broj: 5948/25 od 04.08.2025 godine – „Odgovor na zastupničko pitanje“ koje je između ostalih dostavljeno i ovom Ministarstvu.

Takođe, ističemo da ovo Ministarstvo do danas nije službeno zaprimilo informaciju o stavljanju Tranše 3 na raspolaganje.

Za sve dodatne informacije stojimo na raspolaganju.

S poštovanjem,



Prilog: Kao u tekstu

Dostaviti:

1. Skupština Kantona Sarajevo,
2. Stručnoj službi Vlade Kantona Sarajevo,
3. Lice za koordinaciju odgovora na poslanička/zastupnička pitanja i inicijative-na znanje,
4. Evidencija,
5. Arhiva.

